



Ancje chest an, il Comun di Glemone al inmanee il stimât concurs leterari in lenghe furlane **“Glemone îr, vuei e doman”** che al è rivât aromai ae XV edizion e che al clame dongje un numar simpri plui slargjâts di participants, cun oparis di valôr simpri plui marcât.

Il concurs si compon di trê sezions: la prime dedicate a un saç; la seconde par un lavôr di didatiche dal insegnament in lenghe furlane tes scuelis de infanzie, primariis o secundariis di prin grât; la tierce, riservade ai fruts des scuelis primariis o secundariis di prin grât, par un test in lenghe furlane. Lis oparis a van consegnadis al Comun di Glemone dentri dai 21 di Otubar dal 2011.

Par vê plui informazions, si pues consultâ il sît dal Comun di Glemone (<http://www.gemonaweb.it>) o pûr contatâ il Sportel sorecomunâl pe lenghe furlane dal Glemonàs al numar 0432.973233, orari pal public miercus, joibe e vinars des 10 fin aes 12.50; e mail ur@com-gemona-del-friuli.regione.fvg.it

La scjadince pe consegne des fotos dal concurs **«Interpretando Frank Spada»** di Remanzâs e je stade posticipade a lis 12.00 dai 16 di lui 2011 (info li di <http://www.informagiovaniremanzacco.com/>).

Sabide ai 28 di mai li dal cine Visionario di Udin si è screade **“Riviei di ingjustri”**, la mostre des taulis originâls dai fumuts su la Joibe Grasse che a àn partecipât ae edizion 2010 dal Premi Friûl di Onde Furlane. La esposizion, inmaneade di Radio Onde Furlane e de Associazion 1511 cu la poie dal Comun di Udin, si insuaze intes iniziativas pai 500 agns dal riviel de Joibe Grasse.